

Ginhciu: Bouxfugsaeh Coengh Vunz Yauzcuz Sou Raetlingzcih

7 nyied 10 hauh, youq mwh raetlingzcih gvaqseiz gax-gonq, vihliux guh dad hong sou ndaej raetlingzcih caez, Ginhciu Yauzcuz Swciyen Cangzdung Yangh aen doih guh hong fugsah seizdaih moq daengz ndaw yangh Cincungh Cunh gaiq dieggoek dajndaem raetlingzcih—neix dwg cizdij

ginghci, coengh vunz Yauzcuz dangdieg guhdaih mbaet raetlingzcih; baenzneix guh couh okrenz coengh vunz dangdieg bauj guh hong duetgungz ndaej hingzdingh. Ngoenzde gungm baet ndaej 300 gaen raetlingzcih.

(Liengz Cunhyi/梁春玉 Vangz Yizginh/王一钧)

► Bouxfugsaeh caeuq vunz Yauzcuz dangdieg doengzdaih sou raetlingzcih.



Lozcwngz:

Dangciengz Langhbaij Huqdoj Okrenz Coengh Duetgungz

7 nyied 11 hauh, Lozcwngz Mulajcuz Swciyen aendoih “Cib Dah Cejnuengx Mulajcuz” daengz aen mbanj gungzhoj lai haenq—Swbaj Cin Cizvanz Cunh gaiq dieggoek dajndaem makbwz-yanghgoj, youq gwnz byasang hwnqguh aendaiz dangciengz langhbaij, guh aen hozdung youq dieg dajndaem baij gai huqdoj, coengh vunz Mulajcuz dangdieg gai doenghgi huqdoj baudaengz makbwz-yanghgoj, lwgmanh daengj, baenzneix okrenz coengh duetgungz.

(Veiz Yuzdai/韦如代 Liu Gvanghfuz/廖光福)



▲ Cib Dah Cejnuengx Mulajcuz dangciengz baij gai huqdoj.

Yungzsuij:

Dingjhoenx Raemxrongz Bauj Vunzlai Gwndaenj Onjndei

7 nyied 11 hauh, aenvih ranghdieg baihgwnz laebdaeb doek fwn haenq, duenh Dahyungzgyangh ginggvaq Yungzsuij Myauzcuz Swciyen de raemx hwnjfwdfwd; ndaw yienhsingz lai giz ranzyouq、gyangcangz、bouqgaicawx daengj deng raemxdah dumx gvaq. Vihliux dingjhoenx raemxrongz bauj vunzlai gwndaenj onjndei, aen yienh neix gyawj 100 boub gijgenj genhcaz ganbu rox “raemxrongz” dumx haw couh bae dingjhoenx, mbouj gvaq ngoenzgyaj singgeizroek、ngoenzlijbai, guh hong cazyawj fuengzre raemxrongz caeuq dingjhoenx raemxrongz. Baenzneix guh dawz ndei diuzrap itsim vih vunzlai.

(Lungz Linzci/龙林智)

Sanhgyangh:

Vwnzva Lijyouz Dauq Hwng Coengh Duetgungz



▲ Hekyouz sawq gvaq saedceij Dungcuz mizyinx lailai.

7 nyied 9 hauh, Sanhgyangh Dungcuz Swciyen ciepdaih aen duenz lijyouz hung daih’ it—daj bineix dauq hwng vwnzva lijyouz doxdaeuj, 500 lai boub hekyouz ndaw duenz “vunz Gvangsiah youz Gvangsiah” daengz Sanhgyangh Cwngzyangz Bazcai Ging-gih caeuq yienhsingz Dadungcai Ginggih. Gyoengqde cimz caz Sanhgyangh、gwn ngaizdonq daizraez、yawj vanjvei feizgong daengj, camgya haujlai cezmu ndei, caennang gvaq saedceij caen vunz Dungcuz. Daj bineix doxdaeuj, aen yienh neix ok gak cungj banhfap, doinyoengx dieg Dungcuz dauq hwng lijyouz, okrenz coengh Sanhgyangh lai ndei duetgungz.

(Gung Bujangh/龚普康 Yangz Siuh/杨肖)